



Maxaa Dhacaya Marka Aad Dalbato Dhagaysiga Taageerada Ilmaha

- Cid kasta oo dalbanaysa dhagaysiga Waaxda Taageerada Ilmaha (Division of Child Support, DCS) waxay isku dayaysaa inay samayso, dhaqan geliso, ama wax ka badasho taageerada ilmaha. Dhagaysiga waxaa ku qabta xaakin madax banaan oo dhexaad ah Xafiiska Maamulka Dhagaysiga (Office of Administrative Hearings, OAH).
- OAH waxay boosta kuugu soo diri doonaa Wargelinta Dhagaysiga ee leh taariikhda, saacada, iyo goobta dhagaysigaaga. Celcelis ahaan, dhagaysigu waxa uu qaadan doonaa ilaa 60 daqiiqo. (Waxa aad qorshaysataa inaad 90 daqiiqo ka horeyso.)

**U sheeg OAH markaba
hadii cinwaankaaga
ama taleefan lambarkaaga
aad basho.**

Sida Loogu Diyaar Garoobayo Dhagaysiga Taageerada Ilmahaaga

- Waxa aad ku matali kartaa naftaada dhagaysiga ama waxa aad dooran kartaa looyar ama qof kale oo ku matala. (Ma dooran kartid shaqaale Waaxda Adeegyada Bulshada iyo Caafimaadka ah (Department of Social and Health Services, DSHS) employee.) Adiga ayaa iska bixinaya kharashka looyarkaaga.
- DCS waxaa matali doona looyar sarkaalka sheegashada. Sarkaalka sheegashada ayaa boosta kuugu soo diri doonaa bushqada dhagaysiga oo ay ku jiraan waraaqaha dhinacyada la siiyay. Si taxadir leh u akhri bushqada dhagaysiga oo waa inaad soo qaadataa wakhtiga dhagaysiga.
- Hadii aad hayso waraaqo aad doonayso inuu arko xaakunku, fadlan waxa aad usoo dirtaa OAH, DCS iyo cida kale. Hadii waraaqaha uu ku jiro macluumaad aanad doonaynin inay cid kale aragto, waxa aad masaxdaa macluumaadka kahor inta aanad soo dirin waraaqaha. (Tusaale ahaan, masax cinwaanka, lambarka taleefanka, lambarka Amniga Bulshada, lambarka xisaabta bangiga, iwm.). Tusaale ahaan waraaqaha aad doonayso in xaakinku arko:
 - Foomamka celinta cashuuraha iyo W-2
 - Xaashida Taageerada Ilmaha
 - Amarada maxkamada ee saamaynaya caruurtaada
 - Bixinta qaybaha kharashka wakhtigan, bayaanka gunooyinka, ama duwaanada bixinta lacagta laxaad la'aanta
 - Kharashka caafimaadka ama kharashka caymiska caafimaadka ee caruurta
 - Cadaynta wixii kharash taageero ee la bixiyay

**Dhagaysigaaga
waxaa lagu qaban
doonaa taleefanka.**

- Hadii lagu siiyay amar in aanad usoo dhawaan, u sheeg OAH iyo DCS markaba.
- Hadii aad u baahan tahay turjubaan, OAH ayaa kusiin doonaa mid bilaash ah. Hadii aad qabto laxaad la'aan waxa aad dalban kartaa qaabilaad kaa caawisa inaad ka qayb gasho dhagaysiga. Waxa aad dalban kartaa turjubaan ama qaabilaad adiga oo kala hadlaya xafiiska OAH lambarka ku yaal Wargelintaada Dhagaysiga.
- Hadii aad u baahan tahay inaad dalbato isbadal wakhtiga ama taariikhda dhagaysigaaga, waxa aad ula xidhiidhaa sarkaalka sheegashada iyo OAH sida ugu dhakhsaha badan. Kaliya xaakinka ayaa bixin kara wax ka badalka jadwalka wakhtiga dhagaysiga. Kahor inta aanad gaadhin go'aanka, xaakinka waxa uu doonayaa inuu kuu sheego hadii dhinacyo kale ay ogolaadaan ama ay diidaan dalabkaaga.
 - Xaakinku waxa uu diidi doonaa dalabkaaga hadii aanad haysan sabab wanaagsan.
 - Hadii uu xaakinku badalo wakhtiga dhagaysigaaga, waxa aad haysataa bushqada si aad u isticmaaso wakhtiga dib loo qabanayo balanta dhagaysiga.

- Hadii wakhti cusub la bixiyo laakiin taageero ilmaha ah aan la samaynin, dhinaca kale waxa uu ka dalban karaa xaakinka inuu soo saaro amar in si kumeelgaadh ah taageerada ilmaha lagu joojinayo.
- Waxa aad dalban kartaa in la badalo dhagaysigaaga adiga oo u imanaya xaakinka. Hadii aad doonayso inaad badasho sida loo qanayo dhagaysigaaga waa inaad la xidhiidhaa xafiiska OAH ee ku yaala Wargelinta Dhagaysiga.

- Hadii aad doonayso inaad samayso daraasad sharciga ah, linkiyo ayaad ka heli kartaa www.oah.wa.gov/LegalResearch.shtml iyo www.washingtonlawhelp.org.

Daawo fiidyawga muunada dhagaysiga OAH
ee ku jira www.oah.wa.gov
(Waxaa lagu Heleyaa Ingiriisi iyo Isbaanish)

- Waa kuwan ikhtiyaaro lagu yaraynayo kharashka kaalmada sharciga:

Magaca Isha	Lambarka Telefoonka	Websatka
CLEAR: Degmada King CLEAR: Ka Baxsan Degmada King	La hadal 211 888-201-1014	www.resourcehouse.com/win211
Mashruuca Ciidan Hawlgabay	855-657-8387	http://nwjustice.org/veterans
WA State Bar Association		http://www.wsba.org/Resources-and-Services/Find-Legal-Help
Barnaamijka Moderate Means	855-741-6930	http://www.wsba.org/Legal-Community/Volunteer-Opportunities/Public-Service-Opportunities/Moderate-Means-Program

Waxa aad la xidhiidhi karaa sarkaalka sheegashada DCS hadii aad doonayso inaad isku daydo inaad xaliso kiiskaaga kahor dhagaysiga,

Sida Loogu Qayb Galayo Dhagaysiga Taageerada Ilmahaaga

- Waxa aad raacdaa tilmaamaha Wargelinta Dhagaysiga. Sarkaalka sheegashada ayaa kula soo hadli doona taariikhda iyo saacad dhagaysiga. Hadii aanad ka jawaabin oo aanad ka qayb gelin, waxa aad ku waayi kartaa xuquuqdaada dhagaysiga. Dhagaysigu waxa uu socon karaa adiga la'aanta.
 - Wargelinta waxaa laguugu sheegi karaa inaad bixiso lambar taleefan oo lagaala soo xidhiidhi karo.
 - Waa in aan joogtaa meel anteenada taleefanka wanaagsan tahay.
 - Fadlan ogsoonaw inay tahay inuu kula soo hadli karo taleefan aan lambarkiisu soo bixini.
- Sarkaalka sheegashadu waxa uu la hadli karaa dhinacyada si uu iskugu dayo inuu xaliyo tan.
 - Hadii dhinacyadu gaadhaan heshii, sarkaalka sheegashada ayaa kulasoo hadli doona oo xaakinkana waxa uu ka dalban doonaa inuu ansixiyo heshiiska.
 - Hadii ayna dhinacyadu heshiin, sarkaalka sheegashada ayaa kula soo hadli doona oo waxa uu u sheegi doonaa xaakinka in dhinacyadu ay diyaar u yihiin inay bilaabaan dhagaysiga.
 - Xadiga laga wada hadlay sarkaalka dhagaysigu way ka duwanaan kartaa xadiga xaakinku amray marka la go'aaminayo kiiskaaga.
- Hadii aad qorshaysato inaad isticmaasho markhaati, waxa uu markhaatigiisa dhiiban doonaa wakhtigaaga dhagaysiga. Waxa aad sheegtaa lambarka markhaatiga lagala hadli karo. U sheeg markhaatiga saacada iyo taariikhda dhagaysiga iyo sida uu uga qayb galayo. U sheeg markhaatiga inay tahay in taleefanka uu la tago meel anteenada wanaagsan oo taleefankiisana uu kusoo dhici karo taleefan bilaa lambar ahi.

- Xaakinku waxa uu duubi doonaa dhagaysiga. Xaakinku waxa uu ku bilaabi doonaa inuu u sheego arrinka dhinacyada oo waxa uu u sharixi doonaa waxa dhici doontaa wakhtiga dhagaysiga. Xaakinku waxa uu naqdin doonaa bushqada dhagaysiga (iyo waraaqaha kale ee la heley) oo waxa uu go'aamin doonaa wixii cadaymaha la gelinayo.
- Sarkaalka sheegashada ayaa caadiyan soo bandhiga kiiska DCS marka kowaad. Dhinac kastaa waxa uu u yeesho kartaa markhaatigiisa oo waxa uu su'aalo waydiin karaa markhaatiga dhinaca kale ay u yeedheen. Markhaatigu waxa uu markaatiga furi doonaa isaga oo la dhaariyay. Xaakinka ayaa sidoo kale su'aalo waydiin kara.
- Dhagaysiga kadib xaakinku waxa uu gaadhi doonaa go'aanka kaas oo boosta laguugu soo diri doonaa celcelis ahaan 21 maalmood kadib marka la xidho duwaanka dhagaysiga.
- Hadii aanad ku qancin go'aanka, tilmaamaha ambiilka waxa ay ku ooli doonaan dhamaadka amarka xaakinka.